

დოქტორანტის ცოტნე ჩხეიძის ნაშრომის „ძველი ალთქმის წინასწარმეტყველთა სიმბოლური ქმედებების საღვთისმეტყველო ანალიზი“ დაცვა



13 ივნისს, 12 საათზე საქართველოს საპატრიარქოში, ა(ა)იპ საქართველოს სამოციქულო ავტოკეფალური მართლმადიდებელი ეკლესიის თბილისის სასულიერო აკადემიისა და სემინარიის საღვთისმეტყველო კომისიის სხდომაზე შედგა სადოქტორო საგანმანათლებლო პროგრამის დოქტორანტის ცოტნე ჩხეიძის ნაშრომის „ძველი ალთქმის წინასწარმეტყველთა სიმბოლური ქმედებების საღვთისმეტყველო ანალიზი“ დაცვა. თემის სამეცნიერო ხელმძღვანელი იყო თეოლოგიის დოქტორი, გელათის მეცნიერებათა აკადემიის პრეზიდენტი პროფესორი, მიტროპოლიტი იოანე (გამრეკელი), ოფიციალური შემფასებლები – თეოლოგიის დოქტორი, პროფესორი არქიდიაკონი დემეტრე (დავითაშვილი) და თეოლოგიის დოქტორი ირაკლი ორჯონია. საღვთისმეტყველო კომისიის სხდომას თავმჯდომარეობდა მიტროპოლიტი ანანია (ჭაფარიძე), ისტორიის მეცნიერებათა დოქტორი, პროფესორი.

კომისიი წევრები იყვნენ:

მიტროპოლიტი შიო (მუჯირი), თეოლოგიის დოქტორი;

მიტროპოლიტი სტეფანე (კალაიჯიშვილი), თეოლოგიის დოქტორი;
დეკანოზი მაქსიმე (ჭანტურია), თეოლოგიის დოქტორი, პროფესორი,;
ედიშერ ჭელიძე, თეოლოგიისა და ფილოლოგიის მეცნიერებათა დოქტორი,
პროფესორი;

სერგო ვარდონასიძე, თეოლოგიისა და ისტორიის მეცნიერებათა დოქტორი,
პროფესორი; (საქართველოს საპატრიარქოს წმინდა ანდრია პირველწოდებულის
სახელობის ქართული უნივერსიტეტის რექტორი);

გიორგი ანდრიაძე, თეოლოგიის დოქტორი.

სადისერტაციო ნაშრომის წარდგენისას დოქტორანტმა განსაკუთრებული მადლიერება
გამოხატა სრულიად საქართველოს კათოლიკოს-პატრიარქ ილია II-ის მიმართ,
რომლის უდიდესი ავტორიტეტითა და ლოცვა-კურთხევით თბილისის სასულიერო
აკადემიასა და სემინარიაში დაფუძნდა სადისერტაციო საბჭო და შეიქმნა
დოქტორანტურა. ცოტნე ჩხეიძემ მადლობა გადაუხადა თბილისის სასულიერო
აკადემიისა და სემინარიის რექტორს, თეოლოგიისა და ფილოლოგიის დოქტორს,
პროფესორს, პროტოპრესვიტერ გიორგი ზვიადაძეს, რომლის ლოცვა-კურთხევითა და
წარდგინებით მან განაგრძო სწავლა სადოქტორო პროგრამაზე. დოქტორენტმა
აღნიშნა, რომ პროტოპრესვიტერ გიორგი ზვიადაძის განსაკუთრებული ძალისხმევით
სასწავლებელში შექმნილია აკადემიური სასწავლო და სამეცნიერო გარემო,
სტუდენტებს აქვთ ყველანაირი პირობა იმისთვის, რომ მათი სწავლა სწავლების სამივე
საფეხურზე შედეგიანი და წარმატებული იყოს. დისერტანტმა აგრეთვე მადლიერება
გამოხატა სამეცნიერო ხელმძღვანელის თეოლოგიის დოქტორის, პროფესორის,
გელათის მეცნიერებათა პრეზიდენტის მიტროპოლიტ იოანე გამრეკელის მიმართ
ნაშრომზე მუშაობისას გაწეული დახმარებისთვის.

სადისერტაციო კომისიის, ნაშრომის ოფიციალური შემფასებლების რეცენზიებისა და
კომისიის წევრების მიერ გამოთქმული მოსაზრებების საფუძველზე გამოიკვეთა, რომ
ძველი აღთქმის წინასწარმეტყველთა სიმბოლური ქმედებებისადმი მიძღვნილი
კომპლექსური ხასიათის ნაშრომები ეკლესიის გარეთ მყოფი მკვლევრების
ავტორობითაა ცნობილი, რომლებიც არ ითვალისწინებენ წმინდა მამების ეგზეგეზას და
აღნიშნულ ბიბლიურ ეპიზოდებს თვითნებურად განმარტავენ. წარმოდგენილი
დისერტაციის მეცნიერული სიახლეა საკითხის განხილვა ეკლესიის მამათა
განმარტებებზე დაყრდნობით, კერძოდ: 1) სიმბოლური ქმედების რაობა; 2) ტერმინის
ახლებური დეფინიცია და 3) ბიბლიური ეპიზოდების თეოლოგიური კვლევითი
მეთოდებით ანალიზი.

სადისერტაციო კომისიამ ცოტნე ჩხეიძის ნაშრომს მაღალი შეფასება მისცა, კომისიის
წევრთა საერთო აზრი იყო, რომ წარმოდგენილი დისერტაცია კიდევ ერთი წინ
გადადგმული წარმატებული ნაბიჯია იმ გაზაზე, რომელსაც ადგას თბილისის
სასულიერო აკადემია და სემინარია და ამ წარმატებაში უდიდესი წვლილი მიუძღვის
სასწავლებლის რექტორს.







- tsas.ge